

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gebri Arabis Chimia

Geber

Lugduni Batavorum, 1668

De distillatione, & causis ejus ac de tribus ejusdem generibus, per alembicum, per descensum, & per filtrum. Cap. XLIX

[urn:nbn:de:bsz:31-95581](#)

est mundari, & illud in grana minutissima vel limaturam vel in calcem, quod perfectius est, redigimus, & ei commiscemus calcem aliquam, de cuius intentione non sit fundi. Deinde totum illud ponatur in descensorium & fundatur igne fortissimo, quo usque totum corpus reducatur vel major pars. Invenimus enim, per illud corpora mundari à multa terreitate, sed non mundificatione perfecta, quam perfectio nem scimus esse, sed mundificatione utili, ut medicina suscepta perfectionis, melius & perfectius per eam transformentur corpora. Est enim administratio præcedens eam. Omne autem aliam administrati onem sufficienter in sequentibus tibi narrabimus. Nunc vero descensorii ponamus descriptionem.

De distillatione, & causis ejus ac de tribus ejusdem generibus, per alembicum, per descensum, & per filtrum.

C A P . X L I X .

Conveniens est igitur ut sequentes propositum nostrum, serinoneim de distillatione tradamus, cum causis suis. Est igitur distillatio vaporum aqueorum in suo vase elevatio. Diversificatur autem distillatio, secundum diversitatem rerum distillandarum. Nam quædam fit per ignem, quædam

dam verò sine igne. Quæ verò per ignem
fit, duoruin generum invenitur; Quædam
est per elevationem in alembicum; quæ-
dam per descensum chimiae, qua mediante
oleum ex vegetabilibus extrahitur. Et cau-
sa generalis inventionis cuiuslibet distilla-
tionis, est purificatio liquorum à fece suæ
turbulentiae, & conservatio illius à putre-
factione seu corruptione. Videmus enim
rem distillatam quoquaque distillationis
genere puriorem effici, & melius à putrefac-
tione custodiri. Causa verò specialis in-
ventionis illius, quæ per ascensum fit in
alembicum, est inquisitio aquæ puræ è fe-
culentia, cuius experientia est nota: quia
videimus aquam bis vel ter per alembicum
distillatam, nullam fecem terream habere
admixtam. Causa inventionis aquæ puræ
fuit imbibitio spirituum, & pulverum me-
dicinarum: ut si quando indigemus imbi-
bitione, aquam puram habeamus; quæ fe-
cem post resolutionem ipsius non dimitat:
per quas feces medicinæ nostræ & spiritus
mundati possint infici vel corrumphi. Causa
verò inventionis ejus, quæ per descensum
fit, fuit olei puri in natura sua extractio:
quia per ascensum oleum in natura sua
combustibili haberi non poterat, & hujus-
modi inquisitio fuit, scilicet, ut color ejus,
qui cum substantia sua commixtus est, ha-
beatur. hic enim color juvare potest in casu.
Distil-

Distillationis vero quæ per filtrum, sine
ignitione perficitur, causa inventionis fuit
aquæ sola serenitas. Dicamus igitur nunc
omnium distillationum modos cum causis
suis, & experientiis manifestis. Ejus itaque
distillatio quæ per ascensum in alembicum
fit, est duplex modus. Alia enim fictili
ollâ cineribus plena perficitur: Alia autem
in vase suo æreo aquâ pleno cum graminib-
us vel lanositate, ordine suo disposita, ne
cucurbita vel distillatorius alembicus rum-
patur, antequam ad perfectionem deducatur.
Ea vero quæ cum cineribus, majore,
& fortiori, & acutiori perficitur igne: Quæ
autem cum aqua, mansueto & lento. Aqua
enim acuitatem ignitionis non suscipit,
quemadmodum cineres. Ideo per eam quæ
cum cineribus fit, colores & grossiores ter-
reas partes magis elevari contingit. Cum ea
vero quæ cum aqua fit, subtiliores & sine
colore, & ad naturam aqueitatis simplicis
approximantes, magis. Subtilior ergo fit
separatio per eam quæ aquâ perficitur,
quam per eam quæ cineribus elicitor. Ex-
perientiâ hoc novit verum esse, qui cum
distillasset oleum per cineres, oleum vix al-
teratum suscepit in receptaculo. Volens
vero partes ejus separare, ad id necessitate
pervenit, ut per aquam illud distillaret. Et
tunc per ejus reiterationem separavit oleum
in partes suas elementales, & albissimam
& se-

& serenissimam aquam ex rubicundissimo extraxit oleo, remanente in fundo alembici totaliter illius rubore. Per hoc ergo magisterium ad omnis rei vegetabilis, & ejus quæ ex vegetabili processit inesse, & omnis rei consumilis ad omnium determinatain elementorum separationem pervenire necesse est. Per eam verò quæ per descensum fit, ad cuiuslibet rei oleum perveniri determinatè potest, scilicet vegetabilium omnium, & eorum consimilium. Per eam verò quæ per filtrum fit, ad cuiuslibet liquoris serenitatem perveniri contingit. Hæc autem omnia, etiam parum vel minimum scientibus & expertis sunt manifesta, & nota. Qui verò hoc ignorat, nihil ex hoc novit in magisterio. Exercitetur igitur in ea, & de facilis ea investigabit.

Dispositio igitur ejus quæ per cineres fit, est: ut sumatur olla fortis ex terra, & coparetur in furno simili sublimationis furno præfato, cum eadem distantia à furni spondilibus: per eandem investigationem, & similibus auriculis, super cuius fundum ponantur cineres cribellati, ad unius digitæ spissitudinem: & super ipsos cineres ponatur vas distillationis: & cooperiatur in circuitu ejus cum eisdem cineribus, usque prope collum alembici. Postea verò infundatur in illud res, de cujus intentione sit sic distillari. Ultimò vero cooperiatur illud

cum

cum alembico : cuius collum suscipiat col-
lum cucurbitæ inferioris intra se, usque ad
curvitatem canalis ipsius alembici, ne viam
fugæ inveniat spiritus ascendentis: & post-
ea lutetur alembicus cum cucurbita sua,
& firmetur eorum junctura. Et substitua-
tur receptaculum ejus collum similiter
recipiat nasum vel cornu alembici usque
ad medium ipsius : & circumvolvatur jun-
ctura panno lineo intincto claro ovorum,
& permittatur siccari ; ne aliquid de destil-
lato respiret , quibus aptatis subjiciatur
ignis quoisque distillet. Alembicus vero
& ejus cucurbita de vitro sint. Ignis vero
illius augeatur ei secundum exigentiam di-
stillationis , quoisque videatur totum di-
stillandum , cum magna ignis expressione
secundum indigentiam ejus distillatum
esse.

Secundæ vero intentionis dispositio, qua
per aquam fit , est similis huic in vase &
alembico. Differt autem ab ea in hoc,
quod sumitur in hac olla ferrea vel ahenea,
& coaptatur ad furnum , ut supra est di-
ctum : postea super fundum ipsius ponitur
stratum de graminibus vel lana, vel re con-
simili ad spissitudinem trium digitorum.
Deinde super illud stratum ponatur distil-
latorium aptatum cum alembico, ut supra
diximus. Et eisdem graminibus, vel rebus
consumilibus cooperiatur in circuitu cucur-
bita

bita usque prope collum alembici , ne cu-
curbita frangatur. Et super ipsa stramina
virgæ subtiles superspargantur , & super
virgas ponantur lapides ponderosi, qui suo
pondere cucurbitam & alembicum , & ipsa
stramina depriment, & depressa firmiter &
stabiliter teneant super ollæ fundum , ne
natent jaætata per ipsam aquam , & sit le-
vatio hæc causa fracturæ vasis , & distil-
landæ rei perditio. Postea vero inter stra-
mina fundatur aqua , usque ad ollæ pleni-
tudinem : & supponatur ignis , quo usque
distilletur totum.

Dispositio vero ejus quæ per descensum
fit, est, ut fiat descensorium vitreum , cum
coopertorio ejus : & lutetur utrumque , &
intromittatur quod sit distillandum: & fiat
super caput illius ignis. Descendet enim
distillatio ejus per foramen suum in vas
sibi suppositum.

Dispositio vero ejus quæ per filtrum fit,
est, ut mittatur liquor distillandus in con-
cham vitream vel lapideam ; & filtri benè
abluti & madidi ponatur pars latior in di-
stinctum liquorem usque ad fundum conchæ.
Pendeat vero exilior pars ejus ab orificio
conchæ extra : & sub capite illius filtri po-
natur vas recipiens distillationem. Cum
ergo distillare ipsum filtrum incipiet , pri-
mo aqua distillabit , quæ madidum fuit;
qua cessante , succedit illi liquor distil-
landus;

landus ; qui si non serenus fuerit, toties ad conchain refundatur, quoisque serenissimus distilletur. Hæc autem quia facilia sunt omnia, magna probatione non indigent : ideoque eorum probationem causâ brevitatis omittimus.

De Calcinatione, tam corporum, quam spirituum, cum causis & modis suis.

C A P. L.

Post igitur distillationis narrationem sermonem nostrum tradamus de calcinatione. Est ergo calcinatio rei per ignem pulverisatio, cum privatione humiditatis partes consolidantis. Causa inventionis ejus est, ut sulphureitas corruinpens & defedans, per ignem deleatur. Diversificatur vero secundum diversitatem rerum calcinandarum. Calcinantur igitur corpora, & calcinantur spiritus, & res aliæ extraneæ à natura illorum ; diversa vero intentione. Quia igitur sunt corpora imperfecta duorum generum, dura videlicet, ut Venus & Mars: mollia vero, ut Jupiter & Saturnus: quæ omnia calcinantur, necesse fuit illa diversa intentione calcinari, generali & speciali : Generali attamen una intentione calcinantur. Et est, ut sulphureitas illa corruinpens & defedans removeatur & de-

leatur